

Tito

Yaizé ac.

1 ¹Anutuac welen qeque ic zéma Yesu Kristoac Méliméli ic ni Paulo imi Anutuac buña qeque ichéra ienej ninzénj ninzénjginaguc wamma, kekec solañawac ac héla imi niñtegicma, ²kekec hémbénaña imuac mambécma kecmu niñac nañgé énécmimiawac ai buña zénéñec. Wañu kekec hémbénaña imi Anutu ikocya qahac, inéj becaru nalé ménda hénima heyeciguc ac zikima nénézényec imi mia. ³Añgénj titi miñina Anutu eñeyaoc ackuazécya imi naléyaiguc zézé ic onac kuagina mema zéhicñiyec. Wañu ai imi memañ niñac niñkumu némma zéselinéñec. ⁴Wañu Anutu mañgoc zéma añgénj titi miñina Kristo Yesu iorarunec ewa hia zéma luaenéj ic séc momacnec késa keczu ninzénj ninzénj héla imuac qeriaiguc nañ téñgénja keczañ Tito guac muru hema kecmac.

⁵Krete baeciguc gopori imi hénia yomuhuc niñac; Ai waiwa ménda misi misiyawac hezac imi mindiñidacma ama areña kunej kunej séc imuac qeriawac galeñ kumu énécmima kembésémañ niñac imuhuc wañgéñi. ⁶Képésic solañ kecma embac momacguc sac mema keru nambérac héra ienej ninzénj ninzénjiguc nañseligic, météqététañ merac me ac qeque meracgaguc ménda zémigic kecañzac ic imuhucya imi qeriawac galeñac kumu miwésémañ. ⁷Héñgaleñ ic imi Anutuac ama galeña kecma kápésic solañ kecma eñeya ewa siñ ménda méndacma qeri bélañaguc qahac kecma doku seli niñac ménda wamma yaré ménda qema iwawai késamañ zé ikoc ménda wammacac hezac. ⁸Wañu ic kianañ goi héihéi wañ énécmima, haka hiabiawac siña nimma, memaamuma, kekec téréya kecma, séwiac siñ sigima kecmacac hezac. ⁹Wañu ackuazéc méñzé méñzéya qahac iminéj ku énécmianzac imuac séciguc nañselima kecmac. Imuhuc wañu inéj ic embac hiabianec ku énécmima zénañgé énécmimacac séc wammac. Imuhuc kecmaciguc héna imi qetalima zéañzu ionac imi efima ac zéénécmimacac séc wammac.

¹⁰Ic sasalanéj ac qeque wamma ac haréja zéma ikoc wañ énécmima kecañzu. Sucginaiguc séwi taségina hericma kekera Yuda ic imi eneñj tosara onogicma imuhuc wañañzu. ¹¹Ic imuhucya ionac kuagina

imi mižicgéna acgina qaimac. Ienej imi ikoc waŋ énécmmima iwawai onagicbiŋ zé héná ménda ku énécmmiuac hezac imuac ku énécmmianzu. ¹²Krete ic ionac muru eŋaŋ kua meme ic méŋnéŋ yomuhuc zéyec; Krete icnéŋ nalé séc ikoc wamma haséŋ waŋ biria tanec kecma mézétiti wamma tomeŋgina wac wamma kecanzu. ¹³Héiŋpuc ac imi nimba hélacnec wanzac. Imuac niŋ gi selianec zémindiŋi waŋ énécmmima ninzéŋ ninzéŋgina mesolaŋanimu. ¹⁴Imuhuc wamma Yuda ic ionac nemu suruc ikora me ac hélawac andé qeanzu ionac zézé seli imuac gezacgina ménda haimu. ¹⁵Hélacnec, kápésic solaŋ ic ionaru imi iwawai moczoŋ kápésic solaŋ waŋanzac, néŋ haka oŋgiŋa wamma ménda ninzéŋgéanzu ionaru imi iwawai méŋnéŋ méŋ kápésic solaŋ ménda waŋanzac. Ic imi enej ewagina zéma ewa kétéŋ kétéŋgina momacnec zapi qeqeya waŋanzac. ¹⁶Ienej imi kuaginaneŋ Anutu nimmizua zéma wawaŋ memeginaneŋ qaecgéanzu. Ic imi enej ewa loloŋ acwac wamma ac qeqe waŋanzu, néŋ haka hiabia méŋ memuac séc qahac.

2 ¹Waŋu geŋ mia pakeŋ ac hélawac séciguc zéwésémaŋ. ²Waŋu ic yanda énézéna gum bénzénzéŋ wamma eebipiginaguc wamma séwiac siŋ sigima ninzéŋ ninzéŋ zéma ala siŋ zéma nanaŋ seliaiguc solaŋanimu. ³Waŋu embac yanda énézéna ieneŋ imuhucyanec wawaŋ memegina météré amuma kua kisaŋiguc andé lukuc ménda wamma doku seli ewa ewanec ménda wamma, kekec hiabianec kiwi embac wammu. ⁴Imuhuc wamma eŋaoc embac sac qeli ku énécmmigic eu merac hécgina goi héihéi waŋ énécmmima ⁵gum bénzénzéŋ wamma kápésic solaŋ kecma ama aigina hiabianec galéŋgéma euhécgina niŋtoho waŋ énécmmimu. Imuhuc ménda waŋgic, Anutuac ackuazéc imuac mematiti hicŋiwac niŋac. ⁶Ic merac imuhucyanec meseli énécmmima niŋgési amuma kecmu. ⁷Waŋu gi geŋgaoc haka imuac me imuac wammaŋ zé hiabianec wanna, kicginaiguc séséc hiabia wammac. Waŋu pakeŋ kápésira qahac eeyaguc zéma ⁸ac solaŋa zéqetali wammuac séc qahac imuhucya énézéna, hazéc ieneŋ ikocac zéwiŋ zé hocma gamugina nimmu. ⁹Weleŋ qeqe ic énézéna miŋgina ionac ac niŋtoho wandacgic ewa hia nimmu, néŋ qeqetali ac ménda zéma ¹⁰seŋ kowu ménda nemu, néŋ weleŋ qeqeac haka hiabia moczoŋnec énézégic hémmu. Imuhuc waŋgic, wawaŋ memeginaneŋ aŋgéŋ titi miŋina Anutuac pakeŋ ac imi mezeric qezeric wammiyu eeyaguc wammac.

¹¹Anutuac aŋgéŋ titiac ewa hianeŋ ic embac momac yanda neŋaŋaru nénézéyu wininima ¹²pakeŋ ac waŋ nénécmiyu iwawai eeyaguc qahac zéma baecac siŋniŋ imi moczoŋ waidacma hakanina mezeric amuma kekec solaŋa zéma haka eeyaguc wamma nalé yomuaru kecwiŋac hezac. ¹³Imuhuc kecmanec niŋ mambéc mozocyaguc zéma Anutu yanda aŋgéŋ titi icnina Kristo Yesuwac asac mararaŋnéŋ hicŋitegiru hémbiŋ zé imuac nimbupuc wamma kecbiŋ. ¹⁴Inéŋ héná biria igucnec metecgé nénécmima

métére nénécmima eņeya hēnaoriņ buņawac nénépésiyu haka hiabiawac seliseli wamma kecbiņ niņac doenina meyec ¹⁵Gi ac imuac énézéma meseli énécmima kuc buņanéņ zémindiņi énécmīna ic imi eneņ guac niņgic ic eņomia ménda wammac.

3 ¹Gi héiqlima énézéna niņqelima baec galēņ me ai memēac qac buņaginaguc imi niņtoho wammu. Waņu ai hiabia hēnia hēnia hezac imi wambiņ zé zéréņ qéréņ wandacmu. ²Waņu ic méņnéņ méņ zébiri qébiri zéma zéeņ zéma ménda wammu, néņ gum bēnzénzēņ wamma ic embac momac yanda ionac qeri bēnzēņ moczoņnec waņ énécmīdacmu. ³Neņaņ becneć imuhucyanec niņiņnina qahac kecma niņtoho ménda wamma rouc wamma séwīac siņniņ ségiségi hēnia hēnia imuac welen qema kerīņ. Waņu qeri biric wamma nimbupuc waņamuma mézétiti waņamuma kerīņ. ⁴Waņu aņgēņ titi miņina Anutuac goi héihéiya zéma ala siņ neņaņ niņac iwaru hemīyec iminéņ hicņitegīrec nalé imuaru, ⁵aņgēņ tinénécmīyec imi neņaņ mema waņiņ haka hiabia imuac niņ qahac, néņ eņeya goi héihéiya niņac sac wamma kekeć qeliawac dokunēņ zuacnéncmīma Uņa téréyawac hicņihicņi qelianēņ aņgēņ tinénécmīyec. ⁶Waņu aņgēņ titi miņina Yesu Kristoac murunec Uņa Téréya kuaya qeņeya poćgé nénécmīyec. ⁷Imi mia neņaņ iwac ewa hiayawac niņac wamma ic solaņa zénénécmīyu kekeć hēmbēnaņa imuac nimbupuiguc kecma mératéc meme ic wambiņ niņac imuhuc waņ nénécmīyec.

⁸Ac zéma mazua imi méņzé méņzéya qahac. Imuac gi selianec niņzēņgéma énézéna Anutu niņzēņgēanžu ieneņ haka hiabiawac waņhumuma memu. Ai buņa imi hiabia, waņu ic embac naņgé énécmīmia wanžac. ⁹Néņ qesiqesi ac oyoņa zéma hicņisai hēnia imuac suruc zéma zéqećetali ac zéma hēna acac zéeminiņ qeminiņ imi qizizīņgēwésēmaņ. Ac imuhucya imi hēla qahac harējanec. ¹⁰Hēna ikorawac wamma héndēņ amuma kenžac imi ac goro momacguc me éréhéc ézēmaguc waina eņeyanec kecmac. ¹¹Gi nintegiczaņ éśécneć ic imuhucya imi ic heraņ heranģia, hakaya birianēņ kawéya qeamuma ic biria waņec.

¹²Ni Aritema me Tikiko méliwa guaru hama haréyu nalé imuaru focdac Nikopoli ama areņaiguc hama mihicņi némbésēmaņ. Ni ama imuaru kecba saņgeņa naléya imi tecgémac. ¹³Hēna acac ic žena zéma Apolo imi walac fodac méli érécmīna hamaoc. Nene zéma hinac iwawai mézézēņgé érécmīna iwawai méņ niņac ménda hocmaoc. ¹⁴Ić embac hécnina acguc énézéna haka hiabiawac niņareņgéma kuamumu. Imi mia kecma harējanec ménda wammu niņac. Imuac mia iwawai imuac me imuac wamma hocbiņac niņzu séc walac mihicņigic ai buņayawac hemac.

¹⁵Ić niguc kecžu ieneņ moczoņ guac yaižézéga zézu. Gi acguc niņzēņ niņzēņiguc ala siņ waņ nénécmīanžu ionac nonac niņ wamma yaižézé ac énézéna. Anutuac ewa hiayanēņ ic tuņ onac muru hemac.